

上清修行經訣

拘三魂法一山上經卷中

堯

道士當先檢制魂魄消滅尸鬼常以月晦朔之日及庚申甲寅之日當清齋入室沐浴塵埃正席而坐得不眠者益佳當以真朱筆點左目皆下以雄黃筆點右鼻孔下令小半入谷裏點畢叩齒三通祝曰

血氣使靈津凝滿帝一欣宅所謂冲氣不勞昏而不泄凡道士不可泣淚及液泄此為損液漏津使喉膈大竭是以真人道士常以吐納咽味以和六液凡道士當當存思識已之形容極使髮髯對在我前使面上常有日月之光洞照一形使日在左月在右去面前令九寸存畢叩齒三通祝曰

二景飛纏朱黃散煙氣攝虛邪尸穢沉泯和魂鍊魄合形大神令我不得萬壽永全聰明微規長享利貞畢又叩齒三通咽液三過并

元神仙長生不死若不得祝者亦可單存之耳凡月三日月十三日夕是此時也三魂不定爽靈浮遊胎光故形幽精擾喚其爽靈胎光幽精三君是三魂之神名也其夕皆棄身遊遊瘋遊本至或為他魂外鬼所見留制或

以右手第二指捻左目皆下又以左手第二指捻右鼻孔下各七過當陰按之勿舉手於

為懸物所得收錄或不得還反離形放質或犯於外魂二氣共戰皆躁競赤子使為他念去來無形心慈意闊也學生者皆當拘而留之使無遊逸矣拘留之法當安眠向上下枕伸足交手上冥目閉氣三息叩齒三通存

是都畢按此二處是七魄遊尸之門尸妖精賊邪之津梁矣故受朱黃之精塞尸鬼之路二景之薰滅淫亂之氣此太極上法常能行之則魂魄安和尸穢散絕長生神仙通靈微

呼邪殺質諸殘病生人皆魄之罪樂人之死皆魄之性欲人之敗皆魄之疾道士當制而厲之鍊而變之抑而止之攝而威之其第一魄名尸狗第二魄名伏矢第三魄名雀陰第四魄名吞賊第五魄名蜚毒第六魄名除穢

視行之三年色念都泯也此日名曰尸鬼競爭之日男女不得同席而坐慎之凡研味至道誦讀神經十言二十言輒三過詆脣咽液百言五十言輒兩三過叩齒招神會靈安和

制七魄法二亦出山中

心者赤氣如離子從內仰上出於目中從目中出外赤氣轉大覆身下流身體上至頭項變而成大因以燒身使巾一身令內外洞徹有如然炭之狀都畢其時當覺體中小熱乃大叩齒三通畢存時三魂名爽靈胎光幽精三魂急住因微祝曰
太微玄宮中黃始青內鍊三魂胎光安寧神寶玉室與我俱生不得妄動鑿者太靈若欲飛行唯得詣太極上清若欲饑渴唯得飲想水玉精都畢也

制七魄法二亦出山中

月朔月望月晦夕是此時也七魄流蕩游走穢濁或交通血食往鬼來魅或與死尸共相關入或淫赤子聚姦伐宅或言人之罪詣三官河伯或變為魍魎使人厭魅或將鬼入身呼邪殺質諸殘病生人皆魄之罪樂人之死皆魄之性欲人之敗皆魄之疾道士當制而厲之鍊而變之抑而止之攝而威之其第一魄名尸狗第二魄名伏矢第三魄名雀陰第四魄名吞賊第五魄名蜚毒第六魄名除穢

第七魄名臭肺此皆七魄之陰名也身中之濁鬼也制檢之法交手於項中閉息七過叩齒七通存鼻端有白氣如小豆須臾漸大以單身九重下至兩足上至頭上既畢於是白氣忽又變成天獸使兩青龍在兩目中兩白虎在兩鼻孔中皆向外朱雀在心上向人口蒼龜在左足下靈蛇在右足下兩耳中有玉女蒼玄錦衣當耳門兩手各把火光良久都畢又咽液七過叩齒七通呼七魄名畢乃微祝曰

素氣九迴制魄邪凶天獸守門嬌女執關錄魄和柔與我相安不得妄動看察形原若汝饑渴聽飲月黃日丹都畢也於是七魄內閉相守受制若常行之則魄濁下消反善舍形上和三官與元合靈也

辟惡夢法三 山上經錄 一五光經

若數遇惡夢者一曰白妖二曰心試三曰屍賊厭消之方若夢覺以左手捨人中二七過啄齒二十七通而微祝曰
大洞真玄張鍊三魂第一魂速守七魄第二

魂速守泥丸第三魂受心節度速啓太素三元君向遇不祥之夢是七魄遊尸來恊萬邪之源急召桃康護命上告帝君五老九真皆守體門黃闕神師紫戶將軍把鉞握鈴潰滅惡精反凶成吉生死無緣畢若又卧必獲善應而向造為惡夢之氣則受閉於天關之下也三年之後唯神感旨應乃有夢也夢皆知見見將來之明審也無復惡占不祥之想矣若夜遇善夢者吉應夢而心中自以為佳則吉感也卧覺當摩目二十七過叩齒二十七通而微祝曰

太上高精三帝丹靈絳官明徹吉感告情三元守魄天皇授經所向皆合飛仙上清常與玉真俱會紫庭畢此大洞秘法以傳於始涉津流者矣

得吉夢法四 亦出五 老經

尸學士夢想有婦女人衣紫羅衣持案食來受而食之勿畏惡之也此食盡是東海珍彩之屬或是嵩高玉嶽中真草甚少之藥食之可致壽延也

凡道士白日眠卧先以兩手按目四背三七遍叩齒三七通乃卧也
凡道士暮卧當以左手按鼻兩孔三七通叩齒三七通乃卧也

安眠祝法五 山上經錄 四十四步經

道士臨眠手掩心三過閉目祝曰
太靈九官太一守房百神參位魂魄和同長生不死塞滅邪凶畢而寢

制祝鬼魅法六 山上經錄 痛魔經

凡道士行來獨宿有魔精惡鬼之地當叩左齒三十六通閉氣微祝曰
大帝陽元四羅幽關千妖萬毒敢當吾前巨獸重吻刻腹屠肝神公使者守衛營番黃衣師兵斬伐妖魂誠滅千魔摧落凶姦絕種滅類取令梟殘玉帝上命清蕩三元畢又叩齒三十六通名為大帝揮神內祝塞滅萬魔之法

齋見不祥之物法七 亦出四十 四方經
道士齋入室有不祥之物者當行北帝祝畢方先叩左齒三十六通祝曰

二象迴傾玄一之精七靈護命上詣三清雙
皇驅除赫伯羅兵三十萬人侍衛神管巨獸
百文吐威攝精揮劍逐邪誠落魔靈神伯所
祝千妖滅形畢又叩齒三十六通

鍊祝死尸法八出上經青要

紫書訣言凡修上清之道兆身父母伯叔兄
弟於世上死亡兆身未得絕跡故在人中身
履死殮者三日當取清水一盆真珠一兩投
於水中兆於中庭南向臨水上叩齒九通祝
曰

氣化成神尸變入玄三化五體昇入九天九
天之劫更度甲身甲身更化得為真人畢男
死思玉童三人女死思玉女七人盛甕水以
灌死人之尸畢取水自洗手面仰天噴漱畢
又陰祝曰

天氣已清人化已生得生上天九變更形五
苦三塗斷落死名超度窮魂還返南庭上如
此亡人即更受化生於九天之上九年得昇
玉清之官其法妙於大洞度七祖之法玉帝
所秘不傳非具有金名帝圖綠字紫文得見

此文勿輕施用妄告於人七祖父母長閉鬼
官三塗五苦萬劫不原四極明科七伯年有
真人聽傳

行道見他死尸法九亦出青

紫書訣言凡上學之士遊更世路忽於道次
遇見死尸穢氣干身兆當行二十四步止此
向叩齒九通男尸思玉童三人女尸思玉女
七人來請兆王谷之中皇芝素水以灌彼死
尸之上須臾存死尸化生成人便陰祝曰
已枯復榮已滅復生得生上天更稟太靈九
天之劫反覆胎嬰穢氣盡滅白尸反生畢以
手拭目二十七過止如此穢氣即解死人即更
受化後為靈人兆過二十四過行鍊祝功滿
德加名標上清二十四年剋乘靈輪飛行九
玄也

占居山宅吉凶法十出上經外
洞淵九地三十六音內銘出外國放品經占
道士欲居山宅及居家宅舍吉凶法洞淵九
地三十六音內銘

第一壘色洞地正音行音遊音梵音

各一

第一壘音

第二壘四音亦各一

第二壘音

第三壘音

第三壘音

第四壘音

第四壘音

第五壘音

第五壘音

第六壘音

第六壘音

第七壘音

第七壘音

三十一
士女
三十二

第八疊音

齋
齋
齋
齋

第九疊音

九九
九九
九九
九九

欲登山住止及安居宅審地吉凶當以戊己之日黃書九地三十六音文白紙上置所住中央以盆覆之三宿開看若有黃色潤紙大吉若有青色則下有死靈之尸若有白色者凶若有赤色者驚恐若有黑色者則有財寶若有紫色者得神仙都不異則止可三年安過此必折傷

施用神策法十一 出靈寶具文經下卷

元始太真素靈高尊太帝踏映洞朗八門五老告命無幽不聞上御九天中制鄴山下領河海十二水源八威神呪靈策玉文召龍負水收氣聚靈束魔送鬼掃蕩妖羣萬精摧落所誅無獨日月五星北斗七元諸天諸地諸

水諸山玉真所部冥靈大神仙王遊宴五帝仗幡天丁前驅金虎後奔獲天猛獸羅備四門所呼立到所召立前赤書煥落風火無間有所攝錄金龍驛傳畢叩齒九通仰天三嘯引天氣三咽八威策文指所告之地閉氣九息而止

施用神杖法十二 出靈寶經五訣上卷

道士欲施用神杖法當叩齒三十六通思五帝直符吏各一人衣隨方色有五色之光流煥杖上五帝玉女各一人合侍衛杖左右微祝曰

太陽之山元始上精開天張地甘竹道靈直符守吏部衛神兵五色流煥朱衣金銘輔翼上真出幽入冥招天天恭攝地地迎指鬼鬼滅妖魔束形靈符神杖威制百方與我俱滅與我俱生萬劫之後以我形景為五解神昇上清承符告命靡不敬聽畢引五方氣二十咽止以杖指天天神設禮以杖指地地祇司迎以杖指東北萬鬼束形
救助日蝕法十三 齊出書

紫書訣言是日當露出中庭以明鏡向日兆身操大刀一口南向叩齒三十六通仰祝曰日暉童子陽光赤精耀羅真人影中玉靈歷運乘氣上下肅清陰圓內謀上侵日庭天鑿操杖帝臣輔兵三五正位陽光洞明天地代蝕何假敢生各反其位無使虧盈玉帝告命靡不敬停便引炁二十四息止如此則天地復位三五齊光童子感悅日暉迴靈流光玄注陶降光身列名紫簡紀篇玉清九年之內得乘綠軒乘空駕虛飛行上清也

救助月蝕法十四 齊出書

紫書訣言月蝕之日是其夕當出中庭取清水一盆光身操刀一口臨水向月叩齒十六通仰祝曰
天地離合圖氣乘虧侵蝕月廬上干黃輝帝臣操杖王展捕非天兵羅成神公故威有何假生附景乘微速反初位無使有違三過向月祝如此以刀右還盆水三過上臨水引氣十六息畢月蝕即解天景肅清三五齊輝萬宮安寧也月中真人夫人靈光感悅意歡迴

靈玄跌降子之情即記北帝落子死名注上青宮玉篇給予玉女十二人侍衛光身九年如此得乘飛霞上造月庭其道至妙不行於世得者寶秘慎勿輕傳

上經解禳法十五 亦出四十四方經

凡道士見死尸血穢之物當以朱一鉢散納水中以洗目漱口洗手足畢入室正寢交手心手叩齒二七過心拜四方祝曰

三元上道太一護形司命公子五神黃寧血尸散滅凶穢沉零七液纏注五藏華生令我

神仙長享利貞祝畢閉兩目屏氣良久身中小熱為候竟又叩齒七下咽液三過此三元解穢內法也

理髮及沐頭祝法十六 亦出四十四方經

凡道士理髮將髮及沐頭將散髮之時先啄齒七通乃祝曰

大帝散華玄歸大神今時吉日理髮沐塵辟惡除患長生神仙畢乃髮之竟又叩齒七通

都畢此名為大帝散華理髮內法令人終年不病耳目聰明頭腦不痛

浴身及洗手面法十七 亦出四十四方經

凡道士浴身及洗手面之時先臨水啄齒三過乃祝曰

四大開朗天地為常玄水滌穢辟除不祥雙皇守門七靈安房雲津鍊濯萬氣混康內外利貞保茲黃裳祝畢又叩齒三通乃洗手面此名為滌穢除凶七房祝法常能行之者使人神明血淨辟諸凶氣

齋食先祝法十八 亦出四十四方經

凡道士入室齋戒之時臨食常以左手持筋椀盤三通乃祝曰

二玄上道四極清冷太一帝君百神黃寧受糧三官灌溉脾靈上饗太和餐味五馨魂胎受命七液流傳百關通和五藏華明雙皇合景飛行上清食畢又椀盤二過此名為魂胎

受誓百神饗糧之道常能行之令人神明氣和魂魄安寧辟惡除試常保利津未食祝之

凡道士臨於盛饌皆正心存一思想一先飲食然後乃食之食畢心微祝曰
百穀入胃與神合氣鎮補血液尸邪亡墜聖飛

登天關長生天地役使六丁靈童奉衛止常如此者則邪氣遠退真氣來前也食竟祝之

道士自按摩法十九

道士自按摩頭面之法求道要先令目清耳聰為事主也且耳目是尋真之梯級絲靈之門戶得夫繫之而立存亡須知而辨也大鈔相示可施用也

以手按兩眉後小穴中三九過又以手心及指摩目下顙上又以手旋耳行三十過次以手連乘額三九過口傍咽液多少無數也如此常行耳目清明於人中密為之勿語其狀

次以兩手乘頭四面順髮就結唯多也於是頭血流散風濕不凝都畢以手按目四背二九過覺令見光分明是檢眼神之道常為之得見百靈

道士傳授先求感應法二十 亦出四十四方經

凡傳授上法之時有經之師當先求感應然後傳之當入室燒香密禱神明乃心拜經前微祝曰
太上元君仙都大神今日吉日八願開陳欲

傳上法敢告靈元未知可否須應乃宜祝畢便寢必獲靈應予自知其善否之心審可授之方也

玉帝祝鬼衛靈上法二十一出四十四方經

玉帝祝曰
九天有命上奉玉清促召千真俱會帝庭太
一下觀雙皇翼形鑿察萬邪理氣攝生若有
不祥干試神明青帝之道飭整神兵七神東
武卒天丁風火齊戰伐邪絞精上威六天下
攝魔靈既威既攝萬凶滅形神戈電掃姦妖
無生仙皇秉節有令敢停拒節違令是誅是
刑各警各慎保茲黃寧九天告命萬神敬聽
畢兆若夜行畏恐心震意怯或惡夢之時魔
鬼試人犯真千氣欲疾病害人者急行玉帝
祝鬼衛靈之法兆當心存至道求濟於帝一
乃北向叩齒三十通閉氣審祝祝畢又叩齒
如上咽液十過於是姦惡消摧羣魔伏滅七
神纏綿太一鑿攝萬靈衛真外威凶氣亦可
日日誦習振響唱誦坐卧隨意以塞百邪之

來試閉姦鬼之凶跡當卧寢亦常可誦之令人神安意明辟除厭毒諸惡使終身不恐諷習之日不復北向閉氣也以閉氣審祝者謂鬼魔已試其左右妖精已干其神室故初靈命真以收其凶跡耳而寢卧之祝不復同之於此法也

道士叩齒節度法二十二

凡上清叩齒咽液之法皆各有方先後有次不得亂雜使真靈混錯也夫叩齒以命神咽氣以和真納和氣咽六液以運入制神須鳴鼓而整行列矣凡存修上法禮祝之時皆先啄齒上下相叩勿左右也一呼一吸令得咽諸氣液耳此名為呼神和真以求昇仙者也其法叩齒上下相叩名曰天鼓左齒相叩名曰天鐘右齒相叩名曰天磬也制鬼召魔可叩鐘磬行道求真叩天鼓也

道士聞耳鳴祝法二十三出上經大有妙經

聞耳鳴者錯手掩耳而祝曰
赤子在宮九真在房請聽神命亦察不祥太一流火以滅萬凶祝畢以手掩耳門一七過

畢當聞面熱即佳候也若聞頭頸間痠瘰寒者惡氣入也當急卧臨目存玄丹宮太一真君以流火之鈴煥而擲之令惡氣即出耳外火光亦隨之在後炯炯然以照一身良久平復也

審察耳鳴吉凶法二十四亦出大有妙經

耳中忽聞瀨水聲雷電及鼓鳴者是體中勞損心藏極弊不能味真注生而淫放喪亂使六府失攝魂魄衰號蓋將結疾致死亡之兆矣是以泥丸縱法九宮失常悲擾朝錯鳴鼓亂行將欲寫其居館以棄一身也聞之者當精念反迷還專真心若罪未深者自聽改也所以耳聾者耳神亡之故也耳中忽聞金聲玉音者真氣來入道欲成也忽聞絃樂之聲者六丁玉女來衛子道也當隱靜專修所行勤至之心愈彌於往也真人因是遂有形見之漸矣自非爾師且勿言於他人矣
耳中聞蕭角之音吉象貴至也聞叫喚號呼之聲者凶象敗至也聞臭氣者必有掩滅之事急更沐浴燒香掃除寢宇此是帝君將戒

勸於人者也

若聞血氣者及無故見聚血者兵凶也急遁人間存三元帝君求救自藏齋三月禍亦止也此皆帝君先告人吉凶以令懼戒其禍福耳夫見凶象當行陰德營於惠教為人所不能為行人所不能行者始免乎必死之候也子其勗之勿守常而已

施安齋堂五方符法二十五

出金具五元經

安齋堂五方招靈致真攝魔之符書符都畢先北向叩齒三十六通微祝曰

九天有命普告萬靈三代相推五氣交并玉帝顯駕匡轡霄庭施布正法收魔束精翦戮元妖萬道齊平道流後學帝君記名招真洞幽氣交無形變景鍊道昇上三清得迅飛輿上造玉庭異隨位置符真仙立降身無禍殃學無此道鮮不喪身可謂妙法不學自仙也

行道服氣存思三真法二十六

上元宮泥丸中其神赤子字元先一名帝卿中元宮絳房中心是也其神真人字子丹一名光墜下元丹田宮臍下三寸也其神嬰兒

守元陽子一名谷玄此三一之神矣欲拘制

魂魄時皆先陰呼其名存三神皆玉色金光有嬰孩之貌中上二元皆赤衣赤下元衣黃頭如嬰兒始生之狀行道服氣時亦存名字

仙禁七傷法二十七

出上經七聖女紀

凡學士玄記有名身合仙相則應自然合真而有

第一之傷帶真行偽淫色喪神魂液泄瀉精光枯乾氣散魄零骨空形震神沒窮府上聞天關真仙速遊則與九慶結因土府同符豈復得仙

第二之傷外形在道皮好念真而心抱陰賊凶惡內臻願人否敗嫉能妬賢口美心迷面歡內嗔形論得失妄造罪原毀謗同學攻伐師根三官所記標為惡門仙真高逝邪魔攻身走作形景飛散體神故令枉橫極其惡原考滿形反滅已九泉縱有玄名豈保自然第三之傷飲酒沉醉損氣喪靈五府攻潰萬神震驚魂魄飛散內外朽零本室空索赤子悲鳴真仙高逝邪魔入形如此之學徒損精

誠雖有玄記空室玉名神昇上宮身灰幽冥恍惚求延年焉久停

第四之傷行不匡物責人宗仰心忿口形罵詈無常瞋喜失節意性乖常氣激神散內真飛揚魄離魂遊九孔塵埃五府奔喪皆由性之不純行之不祥真仙高逝外病入形如此

之學將欲何蒙雖有玄圖不免斯殃望仙日悠地里日長

第五之傷或玄圖表見得受寶經或運通靈師啓授神文而不依科盟形泄天真未經九年投刺名山使青宮有錄金關結篇便傳於人流散世間輕真泄寶考結已身徒有玄名反累七玄仙道高逝身死幽泉長充鬼責萬劫不原

第六之傷身履殘穢形景不香內無清虛外無蘭芳清靈失真神不居房氣擾精混靈元失光五神飛散赤子騫揚邪魔來攻內外交喪如此之學望成反傷真仙高逝空景獨行淪於混濁仙乎何蒙第七之傷啖食一切含生之肉殺害足口之

美臭氣充於藏府伐生形於非已真氣擾於靈門遊神駭於赤子魂魄遊於宮宅濁滯纏於口齒仙真高登於玉清已身沉頓於地里徒有玄名於帝簡亦不免於必死

高聖帝君曰為學之本當以七傷為急既得瞻明洞門披覬玉篇不犯七傷之禁將坐待靈降白日昇晨如外勤在學內不遺於七傷者將望仙而反敗期生而反亡希吉而反凶期飛而反沉靈仙遊於高五神散於八荒赤子號泣於中宅遊魂悲鳴於玄空故仙相有成敗上學有七傷為高之士孰清其真

仙相十敗法二十八

太上經靈書附文

第一敗勿好淫淫則魂液外漏精光枯竭神燄魄散骨薄髓穢魂號靈府上聞天關三官權爭胎英悲錯此一敗仙相

第二敗勿為陰賊凶惡凶惡則黃庭競亂三尸好殺魂神窺竊魄鬼干室目光亡散口生傷氣此二敗仙相

第三敗勿醉酒醉酒則形質淪壞神真交錯魂忘本室魄遊邪宅赤子飛鳴喉膈火灼此

三敗仙相

第四敗勿穢慢不淨穢慢不淨則清靈失真精魂不居三宮生蟲赤子浮游血濁髓臭神

光失慮魄走邪門求我死書此四敗仙相

第五敗勿食一切含生之肉食則元形喪始

根本亡度胎神號泣絳君叫慕三魂慘毒魄

索丘墓此內入口命墜長夜此五敗仙相

第六敗勿食一切水中有生之肉食則形神

犯真泥丸滅落三宮閉門嬰兒交錯魂美飛通魄求棺擲此六敗仙相

第七敗勿食飛鳥肉食則氣形聲臭精靈濁

滯腦黃齒枯脾育死氣魂不受真魄生升勃身沉長淵骨隨土沒此七敗仙相

第八敗勿食五辛之菜食則五臟惡臭三華

潰亂神不上達精胎下淪魂魄生離赤子煩

頓飛靈失守眼光流通此八敗仙相

第九敗勿殺昆蟲以上殺則兵對萬物東骸

血怨形暴魄凶魂氣交戰胎靈傍僮真兒逃

散泥丸毒狂赤子棄叛尸形湯餒水煮火爛此九敗仙相

第十敗勿北向使曲仰視三光勿北向理髮解脫衣裳勿北向唾罵犯破毀王破謂歲下辰也玉謂王氣之所在也

勿怒日月星辰勿以八節日行威刑勿以月

朔日怒恚勿以六甲日傷龜龍鱗甲之物勿

以丙午日傷雉勿以丙子日傷黑獸勿以庚

申日別有他念當存思念真勿以乙卯日飲

酒食肉當齋潔靜心

勿以正月殺生勿以二月九日食肉勿以三

月三日食諸百草心勿以四月八日殺草伐

樹勿以五月五日見血勿以六月六日起土

勿以七月七日思存惡事勿以八月四日市

獲獲後諸附足之物勿以九月九日起牀席

勿以十月五日罰責人物勿以十一月十一

日不沐浴勿以十二月晦內三日不齋燒香

念真也

諸如此忌天人大禁三官告察以是為重罪

矣或令人三魂相疾七魄流競或胎神所憎

三官受惡之時也是以惡夢交於丹心妖魁

乘其未闕精液觸犯神具恍惚流變多禁莫

誠忌術子能表修則為仙才不奉天禁則為傷敗者也

上清法服二十九出太上黃素四十四方經

尺九寸以應四時之數廣五尺五寸以法天地之氣表裏一法表當令二十四條裏令一

十五條以應三十九帝真之位爾者身佩帝星之服故也無此服不得妄動寶經此法服

給玉童十二人不得妄借異人并犯穢穢輕慢神服女子紫紗之褐令用二丈四尺身袖

長短就令取足當使兩袖作十六條身中二十三條合三十九條又作青紗之裙令用四

十五尺作八幅幅長四尺九寸餘作膝腰分八幅作三十二條此則飛青之裙也無此服

不得誅於上清寶經此法服給玉女十二人不得妄借異人并犯穢穢輕慢神服

道士遊行山澤稅法三十出清

道士遊行五嶽履涉川澤當行三天正一之祝威試召靈致仙之法登山之初當先於山

外叩齒九通閉眼思五色之雲勃勃四會卷

冠一山及我身在雲氣之中良久見五嶽仙官及山林草木川澤禽獸萬物悉來朝已仰

祝曰

上帝出遊日吉時良玉華覆蓋太一扶將左翼白元右輔無英八帝九真陵梵履昌導我

送我與我同光履行五嶽羣仙奉迎出入河海萬道開張役御六丁足躡五行三天有命

灑除萬凶詔落掃穢流金滅映正法清通嚴如威霜華精奕奕龍與昂昂流青翠羽飛錦

羅裳所向所之靡不吉昌萬真來朝齊昇玉京畢引照三十六咽止行此千日得五嶽真

仙降雲車羽蓋飛行太空凡道士入山良月吉日禁忌之法

道士欲入山以三月七月吉又法春不東山及西山夏不南山北山秋不西山東山冬不

北山南山入山良日保義專日吉制伐日並

甲子丙寅丁卯巳巳辛未壬申癸酉乙亥庚辰辛丑庚戌戊午此是保日吉

丁丑丙戌甲午庚子壬寅癸卯乙巳丁未戊

中己酉辛亥丙辰此是義日吉

戊辰己丑戊戌丙午壬子甲寅乙卯丁巳未庚申辛酉癸亥此是專日吉

乙丑甲戌壬午戊子癸巳甲辰庚寅辛卯乙未丙申丁酉己亥此是制日凶

庚午丙子戊寅己卯辛巳癸未甲申乙酉丁亥壬辰癸丑壬戌此是伐日凶

道士若卒遇凶惡不祥當叩天鐘三十六通叩左齒也

道士若經山辟邪威神大祝當叩天磬三十六通叩右齒也

若存思念道致真招靈當鳴天鼓三十六通叩上下齒也

凡道士獨宿山林而多為山精惡鬼所犯試者當叩齒二十七通閉氣祝曰

吾昨被帝召攝領真元令我封掌此嶽摧割

鄴山萬靈受事俱會帝前七神啓別三元司真若有小妖即時梟殘山精澤尉速來奉迎

神師奉命上闕三清一如大洞之法不得稽停祝畢又叩齒二十七下此為帝君補神祝伐

山精百鬼之法諸山神地祇房祠主正之神聞此之祝皆執鞭奉迎神兵侍衛若與萬人同宿矣

凡受三品上道或未得上登三清受號仙王者多為天魔所試萬靈所干也宜誅拂魔之

祝上動上天之靈音下居三界之威神東萬精於天鍾斬妖魔於祠章行此之法常當北

向先思項生圓象如日左有朱鳳右有玄龍紫霞覆蓋光映身形仙童玉女執五色之節

從三界萬神前嘯九鳳後吹八鸞白虬啓道

太極參軒舉叩左齒三十六通次叩右齒二十四道次叩上下齒十二通而祝曰

羅天毒獸備巨四門吞沉割膽山魄萬羣張喉攫天猛馬高奔毒龍奮爪金頭橫吞威兵

巨萬受符校仙六天不拘合凶成羣妖魔鼓洋穢悉紛紛誑歌空洞亂音陣雲小鬼現形

當人生門神王所告無幽不聞上攝六氣下檢河源五嶽四瀆善惡速分萬萬千十來對

我前五帝校錄有功者原凶魔干具束形帝君敢不從命所誅無獨屠肝割腹斬首滅根

北鏡漬湯萬陵火燬金真錄氣流鈴捕魂妖
奕無遺極盡形源身佩天書通行正文滌蕩
九炁清明三元玄虛舉其上合自然莫有干
試改動上聞舉引氣十二咽止

右智慧拂魔之祝

凡是學士遊行名山在百鬼之間獨宿震怖
及嬰抱疾痛羣鬼守門誦之一過將以鏡湯
之消冰炎上之洋金也魂神澄正氣安體強
自非稟命之應終未死不可得矣

上清修行經訣

太上飛行九晨玉經

卷十

太上大道君告北極真公曰吾昔遊於北天
策駕廣寒足踐華蓋手排九元遠景雲宮遊
戲北玄遊道翔陰之館賞于洞毫之門聘璇
璣以召運促劫會以儻輪數萬物之凋衰俯
天地之長存乃覺九星之奇妙悟斗魁之至
靈也夫九星者建九天之靈根日月之明梁
萬品之淵宗也故天有九氣則以九星為其
靈細地有九州則以九星為其神主人有九
孔則以九星為其命府陰陽九宮則以九星
為其門戶五嶽四海則以九星為其淵府五
九參列網維無窮制御天宿迴轉三辰調理
四五致天地得存萬品之所宗神仙之所憑
夫天無九星則無以為高清地無九星則無
以為至靈人無九星則九孔不明上帝兼之
以通真神仙德之以得成五行乘之以致度
物稟之以得生也天清地靜則九星煥明
天激地石則九星翳昏璇璣居劫度之期天
關運五行之氣輪空洞之大輻促九天之應
會是以神光轉灼玄監萬生傍行越位以告